

## **Igl meis d'otgover 2021 ò la suprastanza communal tracto tranter oter igls affars suandonts:**

### **Fatgs generals, fatgs da personal, economia e provedimaint d'energeia**

- Decidia da surdar ad en mandat extern da surluvrar ed adattar la constituziun communal da Surses alla lescha da vischnancas digl cantun Grischun.
- Eligia Marietta Dedual da Tinizong, Katja Cotti da Sur e Roger Demarmels da Riom ainten la fundaziun Marietta Businger-Dosch. La fundaziun intenda la promoziun ed igl sustign d'ovras ed instituziuns da nateira sociala, d'utilitad publica e benefizienta aint igl cumegn da Surses.
- Decidia da promover e da sustignair, fixond obligaziuns, la scolaziun complementara alla profesun d'en collaboratour alla scola scola ota spezialisada per dretg a Turitg.
- Piglia cunaschiantscha digl plan da termins pigl cumegn d'urna digls 28 da november 2021 an connex cugl affar davart l'indemnisaziun da scadenza dalla concessiun pertutgont l'ovra electrica Casti vest cun ewz (ovras electricas digl martgea da Turitg).
- Piglia cunaschiantscha digl plan da termins pert. radunanza communal digls 7 da december 2021 e decidia las tractandas.
- Piglia cunaschiantscha dall'infurmaziun da Virginia Bischof Knutti cun l'ideia d'ena "concorrenza da lungatg mobilisonta" an Surses e decidia davart igl ager per en preproject.

### **Turissem**

- Decidia da prolungar la cunvignientscha da prestaziun cun Taxi Jäger pertutgont igl Surses liner per la staschun d'anviern 2021/22, risguardond las datas da menaschi novas.
- Tracto e sottamess alla radunanza communal per decider las suandontas dumondas dalla scola da sport d'anviern Savognin: da modernisar e cumplettar igl neivadoir a La Nars, Savognin; per en amprest sainza tschains per la part dalla finanziaziun betg garanteida; e per ena contribuziun a fonds perdu per l'ennavada tecnica e preparaziun dalla loipa da notg a Savognin.

### **Siertad publica e traffic**

- Surdo da preparar la veia da scusalar all'alp Flex e la veia da viandar d'anviern Marmorera Scalotta pigl anviern 2021/22 alla firma Cotti Agrar Forst Kommunal.

### **Fatgs da biagier, planificaziun digl territori e planisaziun locala**

- Decidia da lascher far la sanaziun da plom digl anteriour stand da teir a Savognin igl onn current. Daple da scumanzar la sanaziun da plom digl anteriour stand da teir a Cunter tenor pussebladad igl onn current e dalla terminar igl 2022. Las dus lavours èn neidas surdadas alla firma Battaglia Bau AG, Savognin. Pinavant decidia da risguardar la sanaziun da plom digl anteriour stand da teir a Tinizong aint igl preventiv 2022.
- Surdo alla Battaglia Bau AG las lavours da sanaziun digl meir da sustign per lung digl iert dalla tga pravenda tar la baselgia da Nossadonna, veia Curvanera a Savognin.
- Surdo las lavours da serer per la balustrada an connex cun la sanaziun dalla punt Caltgera Grava a Savognin alla Sonder SA, Mon.
- Decidia da sottametter alla radunanza communal la dumonda da Bruno Dürr per cumprar la parcella da cumegn nr. 5568 a Badogna, Cunter.
- Delibero igl credit per diversas lavours agl bietg polivalent Grava a Savognin pertutgont tecnica da tribuna, duschas e palantschias da garderoba.

### **Ovras communalas, infrastruttura turistica, economia forestala**

- Piglia cunaschiantscha da divers tagls da lenna supplementars igl onn current resp. dalla planisaziun da raccolta da lenna augmentada. Mutivada cun la blera lenna da stampro e perveia digls prietschs da lenna tgi èn igl mument ots.
- Decidia da manar las tractativas da compra dalla parcella no 41 a Tinizong e da terminar las tractativas da prietsch.
- Decidia da vender l'anterioura tgesa da scola a Rona e da manar las tractativas da prietsch correspondent all'offerta da compra.